



*Och Wëll Sai verkleede sech munchmol*

### *D'Wëll Sai si ganz äerdeg, an dat net nëmmen am Bësch.*

De 16. September 1995 wor dee groussen Dag: Wëll Sai vu Steesel hunn hir Grënnungsversammlung am *Stempesch Haus* op der Kierchplaz zu Steesel ofgehalen. An dëser éischter Versammlung hu sech spontan 35 Kanner am Alter zwësche 7 an 11 Joer ugemellt, déi ënnert der Leedung vum éischte Chef de Meute, dem Ginette Guillon, a sengen Adjointen, de Scoutismus méi no wollte kenne léieren. An esou ass et komm, datt d'Wëll Sai ënnert der Leedung vun hirer deemoleger Präsidentin, dem Jacquie Betzen an hirem éischte Chef de Groupe, Roby Sünnen, zanter deems offiziell als Gemenge-Veräin existéieren.

Fro déi sech wahrscheinlech ëmmer erëm gestalt gëtt: Wéi kënt de Groupe nëmmen op dëse Numm... Enges Daags ass Präsidentin gefrot ginn, ob si net e Virschlag fir e Numm hätt. Ganz spontan ass hier *Wëll Sai* agefall, well si un Strooss *d'Wëll Sau* zu Steesel huet missen denken. Als éischt gouf gutt iwwert dës Iddi gelaacht, mä de Numm ass bliwwen. A mir si stolz, datt mir och eng kleng *Wëll Sau* als Maskottchen hunn, besser ënnert dem Numm *Stoinki* bekannt, dee säit leschtem Joer op eise Poloën, Pulloveren seng Plaz fonnt huet.

Den 1. Mee 2002 konnten Steeseler Scouten mat Freed hire Chalet a Fändel aweihen. Beaver, Wëllefcher a Scoute konnte vun engem eegene Sall profitéieren a ware frou iwwert de wonnerbaren Accès an Natur. Dëst Joer kënne mer mat Freed nach zwou Branchen dobäi zielen Explorer, an *Déi Wëll (Amicale)*. Momentan ziele mer 62 Memberen, dovunner hu mer 29 Kanner a 15 Cheffen.

An de leschte Joeren hu mer u sëllegen Aktiounen deelgeholl: Botzaktiounen, Spenden un divers Associatiounen, wéi mat eiser Sammelaktioun un d'Stemm vun der Strooss, Don Bosco asw. Mä och eis Quetschekraut oder eis Ouschtereëeraktioun hunn e groussen Succès. Ofwiesselnd organiséiere mir Fester, wéi d'Hierschtfest, de Brunch, d'Wëll Sau lessen, Wëll Sai in Action, Scoutskiernes, Familljefest. Dëst Joer maache mer eng Scoutskiichen während dem Schoulrally an eng Porte-Ouverte. A net ze vergiessen, eis sëllege Versammlungen, Sortien, Krëschtcampen a Summercampen, déi Cheffen iwwert Joer fir Kanner organiséieren.

Als Schlusswuert e Saz vun eiser deemoleger Präsidentin: „*Och wann alt emol zu Recht gesot gëtt, eis Beaver, Wëllefcher a Scoute géingen dem Numm all Eier maachen. Mir huelen dat als e Kompliment op*“.

All deenen déi de Wëll Sai bis elo esou vill gehollef hunn, ee grousse Merci fir hiren Asaz an hir Ënnerstëtzung.

*Text a Fotoën: Jessica Reding*



*Mir léieren Orientatioun ..*



*.. a sinn handwerklech begabt*



*Gruppenfoto*